



## Fréttir af verkefninu og staða framkvæmda

- **Fimm fyrirtæki vilja byggja nýjan Landspítala**
- **Bílastæði við vesturgafl Gamla Spítala hafa verið opnuð**
- **Framkvæmdir við bílastæði norðan Eirbergs og geðdeildar**
- **Jarðvegsframkvæmdir sunnan við Eirberg**
- **Jarðvegsframkvæmdir við nýjan meðferðarkjarna**
- **Nýtt hjólaskýli tilbúið, tekið fljótlega í notkun**
- **Gæta ber varúðar við akstur í námunda við vinnusvæði meðferðarkjarnans**

## Fimm fyrirtæki vilja byggja nýjan Landspítala við Hringbraut



Opnaðar hafa verið umsóknir hjá Ríkskaupum í forvali nr. 21068 vegna uppsteypu á nýjum meðferðarkjarna við Hringbraut sem er stærsta byggingin í Hringbrautarverkefninu, eða um 70.000m<sup>2</sup>.

**Þáttökubeiðnir bárust frá eftirtöldum aðilum:**

**Eykt ehf**

**Íslenskir aðalverktakar hf**

**Ístak hf**

**Rizzani De Eccher Island ehf**

**PG verktakar ehf**

Eftir yfirferð forvalsgagna verða niðurstöður kynntar þann 6. janúar næstkomandi.

## Bílastæði við vesturgafl Gamla Spítala hafa verið opnuð



Nú hafa verið opnuð ný bílastæði við vesturgafl Gamla Spítala. Enn á þó eftir að ganga frá grjóthleðslu og göngustíg norðan við stæðin og er sú vinna í fullum gangi.

Bílastæðin verða fyrir sjúklinga og aðstandendur þeirra og verða gjaldskyld þegar framkvæmdum er lokið.

(Sjá nr. 1 á korti)

## Framkvæmdir við bílastæði norðan Eirbergs og geðdeildar



Framkvæmdir halda áfram við gerð nýrra bílastæða norðan við Eirberg og geðdeild. Búið er að jarðvegsskipta og malbika gömlu malastæðin sem voru norðan geðdeilda. Búið er að opna nýju stæðin, en eftir á að helluleggja göngustíga meðfram stæðunum. Allar gönguleiðir á svæðinu verða uppfærðar með nýjum umferðareyjum og hellumerkingum fyrir sjónskerta.

Gjaldskylda verður á bílastæðunum að framkvæmdum loknum og eru þau ætluð sjúklingum og aðstandendum.

(Sjá nr. 2 á korti)

## Jarðvegsframkvæmdir sunnan við Eirberg



Á svæðinu sunnan við Eirberg eru framkvæmdir í fullum gangi.

Nú er unnið að tengja fráveitu- og vatnslagnir og samhlíða því verður landið mótað upp á nýtt með uppfærðum akstursleiðum og bílastæðum.

Starfsmönnum og gestum Landspítala er bent á að nota bílastæðin sunnan við Burknagötu meðan á framkvæmdum stendur.

Framkvæmdir á svæðinu munu standa fram yfir áramót.

(Sjá nr. 3 á korti)

## Jarðvegsframkvæmdir við nýjan meðferðarkjarna



Jarðvegsframkvæmdir vegna nýs meðferðarkjarna er langt á veg komnar.

Meðferðakjarnagrunnurinn er kominn í fulla stærð og unnið er að meiri dýpkun í austurenda grunnsins.

Einnig er unnið að því að gera rásir vegna tengiganga til suðurs úr meðferðarkjarna.

Áfram er unnið að bergstyrkingum á norðurvegg grunnsins.

Öll óviðkomandi umferð um framkvæmdasvæðið er bönnuð og svæðið vaktað til að auka öryggi þeirra sem eiga leið um svæðið.

(Sjá nr. 4 á korti)

## Nýtt hjólaskýli tilbúið og tekið fljótlega í notkun



Nýtt hjólaskýli er tilbúið og er það staðsett við vesturenda bílastæðis við eldhús- og rannsóknastofubyggingu Landspítala.

Eftir er að ganga frá tengingum aðgangs, myndavéla og öryggiskerfa við kerfi LSH áður en skýlið verður tekið í notkun, en sú vinna er í fullum gangi.

Hjólaskýlið er ætlað fyrir allt að 64 hjól og einnig verður aðstaða til hjólvaviðgerða.

Nýja hjólaskýlið verður kærkomið fyrir þá starfsmenn LSH sem nýta sér það að koma hjólandi til vinnu.

(Sjá nr. 5 á korti)

## Sýnið varúð við akstur í námunda við vinnusvæði meðferðarkjarnans.




Akstur vinnuvéla inn á framkvæmdasvæði meðferðarkjarnans er frá götu út frá Læknagarði.

Búið er að merkja gönguleiðir og göngubrautir yfir götuna fyrir gangandi vegfarendur en ökumönum er bent á að sýna aðgát við akstur á svæðinu.

Einnig er athygli vakin á því að allur akstur frá Vatnsmýrarvegi, við jaðar framkvæmdasvæðis, upp á Gömlu Hringbraut er bannaður nema akstur strætisvagna. (Sjá nr. 6 á korti)

# Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmöлum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:  
Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)  
Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is).

Sértækar upplýsingar veitir af hálfu Landspítala Stefán Hrafn Hagalín 897 3644 [stefanhh@landspitali.is](mailto:stefanhh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)